

Auctores
Finium regundorum.

NICOLAI RIGALTII
OBSERVATIONES
ET NOTAE,
Item
GLOSSAE AGRIMENSORIAE.




relatus. et coll. refuen

Βασιλεὺς τ' ἀγαθῶ κραπεῖ, τ' αἰχμητῆ.

LV TET I A E,
APVD IOANNEM LIBERTVM.
via D. Ioan. Later. è regione Auditorij Regij.

CIO IDC XIV.
CVM PRIVILEGIO REGIS.

*Nobilissimo Doctissimoq. viro Laurentio Ramirez de Prado
Nicolaus Rigaltius D. D.*



LVDOVICO

REGI CHRISTIANISSIMO.

Inter principia condendae
Vrbis aeternae, cum cete-
rorum quidem Deorum
turba Ioui Capitolino ce-
deret, Terminum in fano
suo restitisse, nullaque exauguratione
sacris sibi finibus euocari potuisse,
faustum fuit Romanae perennitatis
augurium. Accipe omen, DOMINE,
Iuris Terminalis prudentiam, hoc est
finium arte mensoria regundorum di-
sciplinam, quae non solum finalia pri-
uatorum iurgia compescit, sed etiam
coloniaram deductionibus imperij fi-
nes latius occupandos constituit, ap-
petente tui principatus initio instau-
ratam tuoque nomini consecratam.



SICVLI FLACCI
DE CONDITIONIBVS
AGRORVM.

CONDITIONES Agrorum per totam Italiam diuersas esse, plerisq; etiã remotis à professione nostra hominibus notum est: quod etiam in prouinciis frequenter inuenimus. Accidit autem vt ex similibus causis similes haberent cõditiones. Ciuitates enim, quarum conditiones aliæ sunt, coloniæ dicuntur, municipia, quædam præfecturæ, habent vocabulorũ differentias: quæ verò non, liceat earum diuersas esse conditiones. Regiones autem dicimus, intra quarum fines singularum coloniarum, aut municipiorum magistratibus ius dicendi coërcendique est libera potestas. Ergo hæc vocabula non sine causa acciderunt. quidam enim populi pertinaciter aduersus Romanos bella gesserunt: quidam experti virtutem eorum, seruauerunt pacem: quidam, cognita fide & iustitia eorum, se eis addixerunt, & frequenter aduersus hostes eorum arma tulerunt. leges itaque pro suo quisque merito acceperunt. neque enim erat iustum, his qui toties admissio periurio rupere